

Notékēms parogēnuo

Vēina vasarelēs dēina
Ēš miestalē ejau vēina.
Saulē švēitē, gerā šēldē,
Mona šērdēis nieks negēldē.

Tik beēnont parogēino
Sotēkau aš Lievi vēina.
Ons tik moni čiopt i kliebi
Ē pradijē rētēnietē.

Ēš pradiuos tik katolioutē,
Vo, paskou jau ē bočioutē.
Aš negalio atsēgautē,
Nie mon kāp ni gvalta šauktē.

No, tas Lievis, no begiedis,
Būt jau greit ē nosidiejēs,
Bet aš merga nuognē dēkta,
Jau toukart ožsiotau
Ē par spronda ožkērtau,

Stuov jau Lievis ēšsēžiuojēs,
Saka mon: – kū če vuožiuojīs,
Ont šiuo svieta nebie grieka,
Nejimb to i galva nieka.

– Ek, to šalēn neviduonē!–
Susēgruobusi sijuona
Nu tuo Levē biegau šalēn,
Lai ons ēn pas velnius pekluon.